

MODUL 1

7.

Aku menderita, Lin dan bukan aku seorang sahaja yang mengalami nasib ini. Banyak warga koloni kami yang menderita kerana beratus-ratus sebab dan kami tidak pasti siapakah antara kawan-kawanmu itu yang punya angkara.

Dipetik daripada cerpen Kami Akan Mati Lin, karya Seroja Theavy Balakrishnan

Berdasarkan petikan di atas, nyatakan **sudut pandangan** berserta contoh yang sesuai.

[4 markah]

8.

Berita itu sampai kepada khalayak ramai ketika mula-mula disiarkan di televisyen pada slot berita jam lapan malam. Berita yang tersiar, jelas sekali, ialah seorang lelaki yang berusia awal tiga puluhan sedang dikerumuni wartawan untuk ditemu ramah di foyer bangunan mahkamah. Lelaki itu, dengan segak gaya seorang peguam, menjawab setiap persoalan yang diajukan dengan penuh teratur.

(Dipetik daripada cerpen Res Judicata karya Aidit Khalid)

Berdasarkan petikan, nyatakan latar masa dan latar tempat. [4 markah]

5. Berdasarkan cerpen Perspektif oleh NF Abdul Manaf;

a) Bincangkan **tiga** perwatakan Sharifah berserta contoh.

[6 markah]

b) Jelaskan **tiga** nilai yang terdapat dalam cerpen ini.

[6 markah]

c) Sambungkan petikan cerpen di bawah bertemakan Ketabahan seorang wanita meneruskan kehidupan. Panjangnya sambungan cerpen yang anda tulis hendaklah lebih kurang **80** patah perkataan.

[8 markah]

Tiga bulan lalu, dia isteri seorang pemimpin yang disegani. Dia berkelakuan mengikut protokol. Pakaian mesti begini dan begitu. Cara jalannya mesti begini dan begitu. Apabila bersalaman jangan genggam erat, tapak tangan mesti turus dan sentuh sedikit sahaja tapak tangan orang yang bersalaman dengannya. Jangan seperti wanita lain apabila bersalam digenggam erat seluruh tapak tangan sehingga terasa ke hati.

